

Odluka o evropskoj perspektivi na parlamentarnim strankama



«Razočaravajuće je da parlamentarci nisu danas iskoristili mogućnost da zakone u vezi sa reformom policije upute na usvajanje. Očekujem od zajedničke komisije za odbranu i sigurnost BiH da ne propusti tu priliku i da da pozitivan izvještaj», rekao je visoki predstavnik i specijalni predstavnik EU, Miroslav Lajčák.

Predstavnički dom BiH će o ovim zakonima diskutirati naredne sedmice i može zamoliti Komisiju da još jednom razmotri svoju odluku.

«Apelirao bih da se ova sjednica održi što je prije moguće pošto svaki protračeni dan udaljava zemlju od potpisivanja Sporazuma o stabilizaciji i pridruživanju. Drugim riječima, u pitanju je nešto mnogo veće od same reforme policije. Stav koji usvoje parlamentarne stranke će odlučiti da li je moguće otvoriti evropsku perspektivu za BiH i njene građane» rekao je visoki predstavnik i specijalni predstavnik EU, Miroslav Lajčák.